



EDITORIAL

Papigsaen ti hukbo ti umili iti panaglaban iti pasismo ti rehimen US-Marcos

Kadagiti sumaruno a bulan ken umay a tawen, sipipinget ken sistemati-ko a palawaen ken papigsaen tayo ti New People's Army (NPA) kas takyag ti umili a Pilipino iti panaglaban iti pasista a panagari ti rehimen US-Marcos. Iti sango ti kumarkaro a panangidadanes iti umili, kumarkaro a pangpulitika a represyon ken bumassit nga espasyo para iti demokratiko a panagiyeckas ken tignay, dumakdakkal ti pagkasapulan nga usatan ti dana ti armado a dangadang.

Inpataw ni Marcos ti saan a deklarado a linteg militar iti ribo a barbaryo iti intero a pagilyan tapno rebbeken ti panaglaban ti masa a mangsaksalaknib iti biag ken pagbiaganda. Waywayaan dagiti armado a tropa ni Marcos ti gamrud ken managdadael nga operasyon a komprador dagiti korporasyon iti minas ken dagiti plantasyon. Agsumbangir dagiti kaso ti pammapatay, pammutbuteng, ilegal a panagaresto ken panagibalud laban iti masa a mannalon ken minorya a tumaktader ken lumablaba.

Uray iti kasyudadan, awan-saraday ti panagespiya ken panaglipit iti

umili nga organisado a mangilablaban iti pagimbagan da. Punpurtyaen ni Marcos, nangruna, dagiti mangmangged, dagiti mala-mangmangged, dagiti kabataan-estudyante ken dadduma pay a sektor nga agtitipon iti panggep nga iyabante dagiti demokratiko a kadawatan da. Maap-apput ti ngiwat da tapno pawilan ti pukkaw da nga ingato ti sweldo, ibaba ti presyo, disente a trabaho, naan-anay a badyet para iti edukasyon ken dagiti serbisyo iti gimong.

Iti napalabas a nasurok pito a tawen, ginasut a bilyon a piso a pondo ti umili ti inbukbok ken binus-

bos ti reaksyunaryo nga estado iti gera ti represyon iti dangdang ti umili para iti nailyan a demokrasya. Nagulib a gagem daytoy a rebbeken ti NPA kas armas ti demokratiko a bileg ti umili, ken puntiryaen ken pawilan ti organisado a pwersa ti umili. Panggep daytoy a mapalubosan a makapagturay ti reaksyunaryo a bileg iti pagilyan, ken saan a mapawilan nga agakop ti kinabaknang iti panagtakaw ken panaggundaway dagiti imperyalista, dadakkal a burgesya komprador ken dadakkal nga apo't daga.

Gubua ti pang-uneg a kamkamali a bunga ti nagbalin a pagkapuyan iti panangsango iti todo nga atake ti kabusor, nagsagrap ti ser-yoso a dangran ti nadumaduma a yunit ti NPA. Napapanawen nga inpanawagan ti Partido ti tignay panagilinteg idi agtapos ti 2023 tapno ilinteg dagiti napalabas a nagkamalian iti panangiyabante ti tignay re-

bolusyonaryo, karaman ti naduma-duma nga aspeto ti gubat ti umili, tapno ibaw-ing ti hukbo ti umili manipud iti panagsanud agturong iti balbaliw a panag-abante.

Iti tarabay ken inspirasyon ti tignay panagilinteg, agpurpursige dagiti Nalabbaga a mannakigubat ti NPA iti panangiyabante ti naunday a gubat ti umili. Napaay ti deklarado a panggep ti rehimen US-Marcos a rebbeken ti armado a rebolusyon iti gibus ti napalabas a tawen. Agtultuloy tatta ti NPA iti panangpalapad ken panangpauneg ti base a masa, iti panangpapiaksa kadagiti dangadang ti masa nga antipiyudal ken antipasista, ken iti panangisayangkat kadagiti taktikal nga opensiba laban kadagiti napeklan a pasista a tauhan ni Marcos.

Iti panangiyabante ti tignay panagilinteg, kasapulan a nairut a pangiggeman ti amin a kadre ken rebolusyonaryo a pwersa ti armado a dangadang kas kangrunaan a langa ti dangadang, bayat a sekundarya ti naparang a tignay masa ken dadduma pay a langa ti dangadang, iti panangipatungpal ti sentral a rebbenngen nga ibagsak ti neokolonyal nga estado dagiti burges-komprador ken apo't daga. Nasken a patibkeren ti amin a kameng ti Partido ti kinasaga

nga agiggem ti armas ken tumipon iti armado a dangadang.

Rumbeng a sipapasnek nga agibingay dagiti rebolusyonaryo a pwersa iti kasyudadan iti kumprehensibo a panagabante ti armado a dangadang iti kaaw-awayan. Usatan tayo ti nalapad a dana para iti panagmartsa ti saan a maartapan a bilang dagiti mangmangged, mala-mangmangged ken petiburges nga intelektwal manipud iti kasyudadan wenno uray iti ballasiw-taaw, agturong iti dana ti armado a dangadang. Kasapulan ti NPA dagiti kadre a mangmangged ken intelektwal tapno agserbi a Nalabbaga a mannakigubat, kumander ken upisyal iti pulitika ti NPA, bayat a daldalyasaten daytoy ti dana ti balbaliw a panagabante.

Tapno magun-od daytoy, kasapulan a palawaen ken papiaksaen ti tignay masa iti kasyudadan, iyabante dagiti dangadang ti masa, papiaksaen dagiti timpuyog ti masa, karaman dagiti limed nga organisasyon ti masa ken ingato ti rebolusyonaryo a kamulatan dagiti rebolusyonaryo a pwersa iti kasyudadan.

Iti atas ti Partido, makatawen a lukluktan ti ruangan para iti integrasyon ken rekrutment iti hukbo ti umili, malaksid pay kadagiti aniber-

saryo ti Partido, NPA wenno NDFP. Dagiti yunit ti NPA ket nakasagana nga umawat kadagiti pangkat ti aktibista ken kadre manipud iti kasyudadan tapno makipagbiag kadagiti Nalabbaga a mannakigubat, agpaisidong kadagiti pagsasanay pulitiko-militar, dumar-ay kadagiti innadal, produksyon wenno dagiti pangkultura nga aktibidad, agserbi iti masa a mannalon, agbalin a dentista, medik wenno manursuro ti masa, makikaykaysa iti kampanya nga antipiyudal, ken mangibingay iti panagipundar ti Nalabbaga a bileg ti demokratiko a gubyerno ti umili.

Kapada nga addaan plano dagiti sangay ken seksyon ti Partido iti kaaw-awayan, rumbeng nga agbukel dagiti komite ken sangay ti Partido ken rebolusyonaryo nga organisasyon ti masa iti kasyudadan ken ilili ti makatawen a plano tapno isimpa ti programa iti grupu-grupo nga integrasyon wenno panagkameng iti hukbo ti umili.

Iyaramid ti kampanya ti innadal panggep iti armado a dangadang kas kangrunaan nga armas ti panaglabaan ken kanaig iti disiplina ti NPA. Pasaknapen ti panagadal iti agtultuloy a pakasaritaan ti armado a panaglabaan ti umili a Pilipino para iti nailyan a wayawaya. Umadaw ti inspirasyon iti pakasaritaan ti biag dagiti rebolusyonaryo a banwar, a sipupuso a nagidaton ti sirib ken biag da para iti umili.

Kagiddan daytoy, nasken a papiaksaen ti kampanya ti panagkalap ti amin a langa ti suporta para iti hukbo ti umili, manipud iti pinansya ken taraon, agingga kadagiti armas a panggubat, karamanen ti panangaywan kadagiti agpapaagas ken agpapaimbag.

Kasapulan a patibkeren ti panunot ken bagi dagiti kadre ken aktibista a makipagbiag wenno naan-anay nga agkameng iti hukbo ti umili, nangruna iti sango ti todo a pasista nga atake ti kabusor. Kuna ngarud ni Mao, saan a pasken ti rebolusyon. Ngem iti denna ti masa, inaldaw a nabsog dagiti Nalabbaga a mannakigubat iti tagiben ken ayat ti masa.



Tawen LVI No. 3 | Pebrero 7, 2025

Ti Ang Bayan ket maipabpablaak iti lenggwahe a Pilipino, Bisaya, Iloko, Hiligaynon, Waray ken Ingles. Agawat ti Ang Bayan kadagiti kontribusyon nga artikulo ken damdamag. Maallukoy met dagiti agbasbasa nga agidanun kadagiti dillaw ken rekomendasyon para iti panagduras ti pagiwarnak tayo.

Linaon

Editorial: Papiaksaen ti hukbo ti umili iti panaglabaan iti pasismo ti rehimen US-Marcos 1
Kaso ti *impeachment* kontra ken Sara Duterte 3
Panagrambak ti anibersaryo ti Partido idia Cordillera 4
Gubat ti umili, iyas-asideg ti LAB kadagiti syentista 5
Tignay panagilinteg ken panangrisiris iti kamali 6
Dagiti protesta 7
Anibersaryo ti CPP, naisayangkat idia Rizal 7
Iti ababa a sarita 8
AI ken ti mangmangged a Pilipino 9
Pananglipit iti sektor ti BPO, nakundenar 9
Pammaltog, iligal a panag-aresto ken pananglipit 10
Protesta tapno pagsungbaten dagiti Duterte-Marcos 10

Ti Ang Bayan ket ipabpablaak ti Komite Sentral ti Partido Komunista ng Pilipinas dua a daras iti tunggal bulan

 ang.bayan@cpp.ph

Iti duron ti umili, *impeachment* ken Sara Duterte, nagtuloy a naiyuli

Idi Pebrero 5, nagpirma ti saan a bumaba iti 215 a kongresista iti kaso nga *impeachment* wenno asunto kontra ken bise presidente Sara Duterte tapno padisien daytoy iti pwesto. Naituloy ti kaso nga *impeachment* kontra ken Duterte kalpasan ti agarup dua a bulan a panangitantan ditoy ti rehimen Marcos. Inyuna mismo ti anak ti presidente a ni Sandro Marcos ti panagiyendorso iti maikapat a reklamo.

Naiyuli ti *impeachment* iti maudi nga aldaw ti regular a sesyon ti Kongreso. Sakbay daytoy, tallo nga *impeachment* complaint ti naiyulin iti Kongreso. Ti maikadwa ditoy ket indatag dagiti progresibo nga organisasyon ken indibidwal ken inyendorso ti Koalisyon Makabayan.

Addaan pito nga artikulo ti maikapat a reklamo ti *impeachment*. Kangrunaan ditoy ti "pannakikumplot tapno papatayen ni Marcos, ti asawana a ni Liza Araneta ken ti House Speaker a ni Martin Romualdez." Inaramid ni Duterte ti pangta idi Nobyembre 23, 2024 iti tengnga ti panagdengngeg ti anomalya iti panaggastos na iti *confidential funds* a nailatang iti upisina na.

Ti dadduma pay a basaran ket ti: korapsyon iti ₱615.5 milyon iti *confidential funds*; panagpasuksok ken korapsyon iti Department of Education; saan a maipalawag a kinabaknang ken pannakapaay nga ilanad dagiti sanikua na iti Statement of Assets, Liabilities, and Net Worth; pannakairaman iti ekstra-hudisyal a pammapatay idia Davao City, dagiti maniobra a destabilisasyon, kabilang ti panagboykot na iti State of the Nation Address ken panangtubeng kadagiti panagdengngeg iti Kongreso; ken "kabuklan a kondukta" bilang bise presidente ken maikadwa a kangatwan nga upisyal ti pagilyan.

Ti naiyendorso a resolusyon ket naipatulod iti Senado nga isu ti addaan rebbengen a mangbukel iti korte a mangdengngeg kadagiti reklamo. Nu mahusgaan, saan laeng a mapadisi iti pwesto ni Duterte, mapaldan met isuna a tumaray iti an-

yaman a pusisyon kadagiti sumaruno nga eleksyon.

Ti kaudian a paset ti panagdindinnuklos dagiti pangkat ti Marcos ken Duterte ket pakakitaan ti panagirteng ti susik iti baet da. Ipakpakita daytoy ti nakarkaro pay a panaguneg iti panakagudwa-gudwa iti uneg dagiti agtuturay a reaksyunaryo a dasig, nu sadinno nga agiinnagaw da kadagiti burukrata-kapitalista a pribilehiyo ken bileg dagiti agkaribal a pakasyon ken pangkat.

Ti *impeachment* ket mayor nga addang iti panagkonsolida ti pangkat ni Marcos iti bileg na iti pulitika, nangruna iti uneg ti militar, pulis ken depensa. Kagiddan daytoy, patpatibkeren met ni Marcos ti kinapudno na iti imperyalista a US babaen ti adda pay a panangpapigsa iti pannakitinnulong iti US kadagiti anti-China a propaganda ken operasyon a nabal nga ikumkumpas ti US iti West Philippines Sea, iti linged ti "panangitandudo ti soberanya ti Pilipinas."

Naragsak nga inawat dagiti Pilipino ti *impeachment* ni Sara Duterte kas umuna nga addang tapno pagsungbaten ti bise presidente ken ikaten isuna iti pwesto, kas addang tapno dusaen isuna kadagiti krimen ken kunniber. Kasapulan pay a papigsaen ken palawaen ti umili dagiti tignay da tapno iduron ti Senda a dagus nga agtipon bilang korte ken rugyanen ti panagdengngeg iti kabii-tan a panawen.

Ti *impeachment* ket balligi ti tignay masa a tuloy-tuloy nga agpapapigsa iti protesta para ditoy. Ad-adda daytoy a papigsaen ti paki-



nakem ken determinasyon ti umili tapno singiren ni Marcos mismo kadagiti dakdakkal a krimen ti korapsyon iti langa ti bukod na a *confidential funds*, *pork barrel* iti langa ti ayuda, panagkontrol iti binilyon a pondo ti Maharlika Fund ken panangala iti "saan a nagastos" a pondo ti Philhealth. Nasken met a pagsungbaten ni Marcos iti panagibasura na kadagiti nakaipila a kaso ti tinakaw a kinabaknang ti pamilya na nga aggatat ti saan a bumaba iti ₱202 bilyon.

Iti benneg dagiti progresibo a grupo, kitkitaen da a balligi ti *impeachment* ti umili a makidangdangadang tapno pagsungbaten dagiti Duterte ken ti pangkat da nga aglablalsing iti karbengan-tao. Kuna-da, iti panangiduron ken sangsang-kamaysa a panagtignay, panangirupir ken panagbantay ti umili a nangun-od ti umuna a nga addang iti panagpasungbat iti kunniber. Kagiddan ti panawagan a kedngan a nagbasol ni Duterte, sinigingir da ti rehimen Marcos iti kinainutil daytoy a sungbatan ti kumarkaro a korapsyon ti rehimen na.

It aldaw ti panagbotos, naguurnong da iti sango ti Kongreso tapno ipanawagan a dagus a kedngan ni Duterte. Adda met ti kapada a protesta idia Cabuyao, Laguna.

Panagkaykaysa ken panagadal kas panagrambak iti anibersaryo ti Partido idiy Cordillera

Iti maysa a larangan idiy Cordillera, nagtungpal ti naipagarup a saan a matuloy a selebrasyon ti Communist Party of the Philippines idi Disyembre 26, 2024 iti maysa a pyesta ti panagkaykaysa ken panagadal dagiti Nalabbaga a mannakigubat ken masa.

Naidalupo iti rigat ti masa idiy Barangay Ranyag a dinanon dagiti kakadwa. Bagsak ti tinawen nga ani ti pagay gapu iti grabe a tikag a sinaruno ti parada dagiti bagyo a dimmalapus iti rehiyon. Nalimitaran met ti nawaya nga ipapan ti masa kadagiti sentro ti ili tapno aggangat ka-dagiti kasapulan da gapu iti panaglipit ken awan-sarday nga operasyon ti AFP.

Gapu ditoy, saan a maliklikan ti sumagmamano a kakadwa nga agdanag nu kasano nga angayen ti selebrasyon. Anya ti ipakan da, idinto a nagawis da kadagiti mannalon? Isu nga iti bigat ti Disyembre 26, saan pay a nagsagana dagiti Nalabbaga a mannakigubat.

Ngem kamaleman na, kellaat laengen a naguni ti *warning device* da. Manipud iti kakaywan, maysa-maysa a simmungad dagiti taga-Baryo Ranyag.

"Kakadwa, tapno masigurado ti seguridad tayo ket saan dakayo a pinaumay iti kabalbalayan. Dakami laengen ti dimmayo kadakayo tapno matuloy ti selebrasyon ti anibersaryo ti Partido tayo," palawag ni Tata Cesar, ti lider ti grupo. Kadwa na ti asawa ken anak na. Awit da ti dakel a supot ti suman ken maysa a timba ti tambo-tambong. Iti likod ni Tata Cesar ket dagiti dadduma pay a tagabaryo nga addaan awit nga ispageti ken sungrod.

Dardaras a nagsagana ken intuloy dagiti kakadwa ti naisagana a programa. Kadagiti drama, daniw, kanta ken ababa a diskurso, inpakita da ti kumarkaro a krisis iti pagbiagan a sagsagabaen ti umili a Pilipino, ti kumarkaro a susik iti baet ni Marcos ken Duterte ken ti pangusar ti imperyalismo a US kadagiti neokolonya daytoy (kabilang ti

Pilipinas) tapno labanan ti China.

Inpakita da ti panagari dagiti nailyan ken lokal a dinastiya dagiti burukrata-kapitalista iti kinabaknang ti prubinsya, bayat a bin-ig a mabaybay-an nga agkurkurang dagiti serbisyo iti gimong para iti umili. Natalmegan met kadagiti pabuya ti kinapateg ti agtutuloy a pannakipon ti masa iti rebolusyon tapno mabaliwan ti kasasaad da.

"Ti bilin ni tatang mi ket aywanan mi dagiti kakadwa gapu ta dakayo ti pudno a mangisaksakit kadakami a nakurapay. Daytoy ket pammilin nga ipatawid mi kadagiti annak ken appo mi," istorya ni Dani, maysa kadagiti dimmar-ay iti panagrambak. "Ammo mi nga ti pigsa mi ket adda iti panagkaykaysa ken sangsangkamaysa a panagtignay."

Saan a dagus a nagawid dagiti bumaryo kalpasan ti selebrasyon. Insayangkat da ti asembliya tapno buklen ti lokal a balangay ti Pambansang Kalipunan ng mga Magsasaka ken plinano da ti sangsangkamaysa a "bungkalan" wenno panagsukay iti maysa a paset ti komunal a daga da. Pinagkaykaysaan da nu

kasano nga organisado a labanan ti manamnama nga operasyon militar ken panagsubli ti RCSP.

Iti simmaruno pay nga al-aldaw, nadumaduma nga espesyal a kurso ken panagadal iti sidong ti Padepa (Pambansa-Demokratikong Paaralan) ti naisayangkat iti nagpwestwan ti NPA.

Inaldaw nga adda ti dimmayo iti kampo dagiti Hukbo—agtutubo ken natataengan. Ti dadduma ket dimmayo tapno agpatulong kadagiti leksyon da ken ti dadduma ket tapno makiinnistorya laeng. Pinabalonan isuda dagiti mannakigubat ti namnama, karaman dagiti kinitikit da nga aklo ken al-o.

Iti maudi nga aldaw dagiti kakadwa iti lugar, nagturpos ti batayan nga oryentasyon iti Partido dagiti lokal nga aktibista nga naorganisa iti maysa a sangay ti Partido iti lokalidad.

"Kakadwa, naipalawag yo a naan-anay ti Programa ti Partido. Awan ti panagdudua mi nga agbalin a kameng ditoy," inyeckas ni Tata Cesar iti rugi ti panagsapata da iti sango ti bandera ti Partido.

Iti ipapanaw da iti Baryo Ranyag, sinublian dagiti kakadwa dagiti panagdandanag da. Sipupuso nga inarakup da ti adal iti kapadasan da: Kanayon, iti amin a gundaway, agtalek iti masa.



Iyas-asideg ti LAB ti gubat ti umili kadagiti syentista ken inhinyero

Rinambakan ti Liga ng Agham para sa Bayan (LAB) ti maika-49 nga anibersaryo daytoy idi Disyembre 2024. Iti maysa a sikreto a panagtiti-pon idiay National Capital Region, dumanon iti 50 kamkameng daytoy ti nagtitipon tapno aggidan a rambakan ti anibersaryo da ken ti maika-56 anibersaryo ti Communist Party of the Philippines.

Sinublian ken rinambakan da ti nadumaduma a balligi a nagun-od dagiti balangay da ken dagiti napa-dasan a pannubok iti tawen 2024, nangruna iti panawen ti umuna a tawen ti tignay panagilinteg. Pinadayawan met ti LAB ti amin a rebolusyonaryo a martir manipud iti sektor ti syensya ken teknolohiya a nagidaton ti biag da para iti umili ken iti rebolusyon.

"Nagbalin a nalatak dagiti balligi kadagiti kampanya, iti balbaliw a panagtaud ti panag-organisa iti intar ti basaran a masa, ken iti panangpadur-as ti suporta para iti New People's Army (NPA)," segun iti ulat ti Agham Bayan, pagiwarnak ti LAB. Iti bangir daytoy, inyeckas da a dakkel pay ti kasapulan a rimbawan a pagkapuyan kabilang ti konserbatismo iti panagrekruit kadagiti baro a kameng.

Segun iti editorial ti Agham Bayan, "rumbeng a nalawag kadayo, kas rebolusyonaryo, a ti kangrunaan a panggep tayo iti panangisayangkat ti kampanya ket ti panangsungbat iti interes ti masa ken panangpaado ken panagpapigsa iti rebolusyonaryo a pwersa tayo." Tatta 2025, inlanad ti LAB a tuloy-tuloy daytoy nga isakad dagiti rebbengen tapno makatulong iti panagiyabante ken panagpapigsa ti rebolusyon a Pilipino.

Nayon pay ti LAB, inpakita daytoy kadakuada a posible nga annongen ti maysa a syentista ti rebolusyonaryo a rebbengen nga iyabante ti nailyan-demokratiko a rebolusyon nga addaan sosyalista a perspektiba, kadagiti laboratoryo ken siled-pagadalan ti kasyudadan agingga iti armado a dangadang iti kaaw-awayan.

Ituloy-tuloy dagiti rebolusyonaryo a syentista, inhinyero, prope-


syunal ken estudyante ti tignay panagilinteg tapno magun-od ti ad-adda a balligi," kuna daytoy. Agsagana met ti LAB para iti nabalitokan nga anibersaryo daytoy inton Disyembre.

Biyolohista iti hukbo ti umili

Maysa ni Ka Jerry kadagiti rebolusyonaryo a syentista a simmungbat iti panawagan a makipagbiag iti NPA. Timmipon isuna iti maysa a yunit ti hukbo ti umili iti Luzon. "Para kanyak kas maysa a biyolohista, maysa a dakkel nga oportunidad ti agbalin a Nalabbaga a mannakigubat tapno paunegen ti kaamwan iti *biodiversity* (intar dagiti nadumaduma nga organismo nga adda iti partikular nga ekolohikal a komunidad) iti pagilyan," istorya na.

Manipud kadagiti lugar a pappapanan, agingga iti kankanen, inaldaw a makalanglangen ti Nalabbaga a mannakigubat ti law-ang (kalikasan). Kadawyan nga adda iti kabakiran ken kabanbantayan dagiti yunit ti NPA. Nu dadduma met ket kadagiti patag nga erya. Numanpay nadumaduma ti kasasaad dagiti bakir, bantay ken kapatagan, iti amin a gundaway ket kasla "field researcher" dagiti Nalabbaga a mannakigubat iti panagtagpog da iti law-ang.

Kunana, "iti inaldaw a trabaho mi iti yunit, makitkita mi ti nadumaduma nga *species* (klase wenno tipo dagiti organismo)—mulmula, uong, insekto, billit ken dadduma pay." Masansan met kano a makakitkita ti yunit kadagiti endemiko wenno katutubo a mulmula wenno ayup kas ti *jade vine*, *corpse flower*, *hornbill* wenno kalaw ken adu pay. "Adu met laeng a daras a napan ti yunit kadagiti lugar a posible a saan pay a pisi-



kal a napanan dagiti syentista, uray siasinoman—di tayo ammo, baka makatakwat tayo kadagiti baro nga species kadagitoy a lugar."

Makatulong met kano ti kaamuan iti *biodiversity* para iti pagkasapulan iti taraon ti hukbo ti umili ken ti masa. Nadumaduma nga species ti pagnumnumaran mi iti trabaho iti produksyon, Nangruna kadagiti nalipit a sitwasyon kadagiti adayo iti komunidad, pangnamnamaan a pagalaan ti taraon ti *biodiversity* ti kabakiran," istorya na. Mangipatpatungpal met ti yunit ti NPA kadagiti patakararan tapno liklikan ti panagtiliw kadagiti *endangered species* wenno klase ti ayup nga agpegpeggaden a mapukaw.

Adu ti posible a maadal ken makatwatan panggep iti *biodiversity* iti pagilyan tayo, iti konteksto ti pannakitipon tayo iti rebolusyonaryo a dangadang para iti umili a Pilipino," kunana. Innayon pay ni Ka Jerry a daytoy a kinabaknang ket palagip kenkuana nu apay a kasapulan a makipaset iti gubat ti umili—tapno salakniban ti law-ang ken umili manipud iti panaggamrud dagiti imperyalista ken lokal nga agar-ari a dasig. **AB**

Tignay panagilinteg ken panangrisiris iti kamali a linya

Inton Pebrero 8, rambakan ti umili a Pilipino ti maika-86 a kasangay ni Kadwa Jose Maria Sison, dadaulo a nangbuangay ti Komite Sentral ti Communist Party of the Philippines (CPP). Dua a tawenen ti napalabas manipud idi pimmusay ni Ka Joma, ngem agtaltalinaed pay laeng isuna nga inspirasyon kadagiti agtutubo ken intero nga umili. Ti inbati na a nabaknang a kaban dagiti adal ken patawid ket kabilang tatta iti agserserbi a pundasyon ken tarabay nga iyab-abante a tignay panagilinteg ti Partido ken intero a rebolusyonaryo a tignay.

Kabilang kadagitoy nga adal ket ti pagkasapulan a napinget a panakiririsir kadagiti kontra-rebolusyonaryo nga ideya, a nagbalin a nalatak iti Umuna ken Maikadwa a Naidaklan a Tignay Panagilinteg (MNTP). Daytoy ti tinalmegan ni Ka Luis Jalandoni, maysa kadagiti dadaulo nga upisyal ti National Democratic Front of the Philippines ken iti napaut a panawen a katakunaynay ni Ka Joma. Tinudo ni Ka Luis ti partikular ken krusyal nga akem ni Ka Joma iti panangiyabante ti MNTP iti panagisagana ti borador ti dokumento a "Balbaliw a Pasingkedan dagiti Basaran a Prinsipyo Tayo ken Ilinteg dagiti Nagkamalian."

Daytoy a panawen, adu ti nadumaduma nga ideya ti sumsumlep iti rebolusyonaryo a tignay tayo. Dagiti nagkamalian a natudo iti dokumento ti panagilinteg ket makaim-impluwensya iti panagpanunot ken ideolohiya dagiti kakadwa," segun ken Ka Luis. Nayon na pay, uray dagiti kakadwa iti Netherlands, nu sadinno a nakadistyero da, ket saan a nakaliklik iti impluwensya dagitoy a kamali nga ideya.

Istorya na, adda dagiti kangrunaan a lider ken dadaulo idi iti organisasyon ti Europa ti "agaw-awiten ti linya iti ideolohiya a kaniwas iti linya ti dokumento ti panagilinteg." Palawag ni Ka Luis, nakarigrigat a tukad para kadakuada ti panawen ti panag-

pinget nga ipalawag ti dokumento a "Balbaliw a Pasingkedan," ken allukoyen dagiti kakadwa iti Netherlands nga awaten ti kinapateg daytoy.

Inbingay na met ti kaso ti maysa a dati a kadwa a nangsupyat iti tignay panagilinteg basar iti panagkita dagiti gagayyem na, imbes a pagadalan ken sukimaten a naimbag ti dokumento nga inruar ti Partido. Nayon pay ni Ka Luis, idia met laeng a tukad a timmaud idia Netherlands ti awag a "kontras" kadagiti "rejectionist" wenno nangilaksid iti tignay panagilinteg.

Nu saan a napasamak ti MNTP, saan ko nga ammo nu anya ti posible a napasamak iti rebolusyonaryo a tignay tayo," segun ken Ka Luis. In-


tudo ken inlinteg ti Partido idi MNTP dagiti mayor a kamkamali a nagraira iti tignay iti uneg ti adu a tawen. Kabilang kadagitoy a nagkamalian ti linya ti "estrategiko a kontra-opensiba" a kaniwas iti tallo a tukad ti gubat ti umili. Idi dekada 1980 idia Mindanao, adelantado a nagitakder ti dadakkel a pormasyon a militar a makagapu ti panangibat iti gawaing masa ken nagibunga ti dadakkel a perdi.

"Imbes nga amirisen nu apay a nagbalin a kasdiay, ti kongklusyon dagiti kontras ket gapu ta adda dagiti espiya iti tignay (wenno dagiti Deep Penetration Agent). Nagten-nag daytoy iti kasasaeman a panawen iti rebolusyonaryo a pakasari-taan tayo," istorya ni Ka Luis.

Kas ti tignay panagilinteg iti agdama nga isaysayangkat ti Komite Sentral, ti MNTP iti kaunggan na ket maysa a tignay panagadal. Ti kinakurang iti trabaho a pang-ideolohiya iti adu a tawen ket nagibunga kadagiti seryoso a kamkamali.

"Kamaudianna, bassit a porsyento laeng ti rebolusyonaryo a tignay ti nangsupyat iti tignay panagilinteg. Ti nabat-bati ket pimmauneg iti panagilinteg iti ideolohiya, pulitika ken organisasyon. Pimmigsa ti NPA. Naglukat ti adu a larangan gerilya ti hukbo. Balbaliw tayo a nasubbot ti talek ti masa kadatayo," segun ken Ka Luis.

Salaysay ni Ka Luis, nagbaknang ti kaban ti adal nga inbati kadatayo ni Ka Joma. Manipud iti panangbuangay daytoy, panangitudo kadagiti nagkamalian ken panagabante kalpasan ti tignay panagilinteg. "Iti maudi a mensahe na kadatayo, kuna-na: Saan a maatiw ti Nailyan Demokratiko a Rebolusyon ti umili a Pilipino!"





Protesta iti UP. Linawas ti protesta dagiti estudyante ken manursuro ti Unibersidad ng Pilipinas (UP) iti nadumaduma a kampus daytoy kas panangsabat iti maikadwa a semestre idi Enero. Kalatakan kadagiti protesta ti kaltas iti badyet, pangta iti seguridad ken wayawaya a pang-akademiko, karaman met ti panawagan a "Duterte Pagsungbaten, Marcos Singiren!"

Kadakkelan ti rali idia Los Baños nu sadinno a nasurok 800 ti timbuno iti "First Day Rage" idi Enero 27. Naiyaramid met ti rali idia UP Tacloban idi Enero 13; UP Manila ken UP Visayas, idi Enero 20; UP Baguio, UP Diliman, UP DEPPPO idia Pampanga ken UP Cebu idi Enero 21; ken UP Mindanao idi Enero 28.

Pananglagip iti Mendiola Masaker. Linagip ti Kilusang Magbubukid ng Pilipinas (KMP) ken dagiti demokratiko a sektor ti maika-38 anibersaryo ti nadara a Mendiola Masaker idi Enero 22. Inyaramid da ti maysa a porum iti Bantayog ng mga Bayani tapno lagipen ti 13 nga indibidwal a pimmusay kalpasan a sinabat ti ranggas dagiti tauhan ti presidente idi a ni Corazon Aquino ti rinibo a nagprotesta a mannalon. Sinaruno daytoy ti martsa agturong iti Mendiola idia Manila nu sadinno a napasamak ti nakaam-ames a krimen.

Protesta kontra nangina a multa idia Cebu. Nagisayangkat ti protesta idi Enero 25 dagiti drayber ti dyip iti sidong ti Piston Cebu iti sango ti LTO Region 7 tapno babalawen ti panangpuntirya kadakuada tapno patawan ti nalablabes a multa. Nagriri dagiti tsuper iti Joint Administrative Order 2014-01 ti ahensya a nangikeddeng ti agingga ₱27,000 multa para iti babassit ken pinarbo a panaglabsing kadagiti linteg pang-trapiko.

Suporta ken kumpensasyon, inrupir dagiti Batangueño. Nagpiket iti Department of Social Welfare and Development, Department of Agriculture ken Sugar Regulatory Administration-Main Office idia Metro Manila dagiti aguunas ken mannalon ti Batangas idi Enero 22. Iti panangiyuna ti Sugar-Batangas ken Alyansa ng Mga Magsasaka para sa Kumpensasyon, siningir da ti rehimen Marcos iti suporta a pangpinansya ken kumpensasyon kadagiti apektado kadagiti nakaro a didigra ken panagserra ti CADPI iti prubinsya.

Dagiti estudyante ti UE ken BCP, nagprotesta. Nagtignay dagiti estudyante ti University of the East (UE) ken Bestlink College of the Philippines (BCP) idi Enero tapno babalawen ti plano a panangngato ti matrikula ken panangipataw kadagiti parigat a patakaran iti eskwelaan da. Idia UE, nagpiket dagiti estudyante iti kampus ti Caloocan ken Manila idi Enero 27-28 kagiddan ti naisayangkat a "konsultasyon" ti UE kanaig iti idurduron ti unibersidad a 5% *tuition and other fees increase* (TOFI). Sakbay daytoy, sangsangkamaysa da a naggangat ti kandila kagiddan ti panangisayangkat ti maysa nga ababa a programa idia UE-Caloocan idi Enero 24.

Idia BCP, balbaliw a nagisayangkat ti protesta dagiti estudyante iti Quezon City idi Enero 30 tapno babalawen ti dakkel a kapalpak ti administrasyon iti naisayangkat a panagrambak iti anibersaryo ti eskwelaan idi Enero 26 idia Bataan. Inawagan ti Anakbayan-BCP ken dagiti estudyante daytoy a #BCPTortureDay ti nasao nga aldaw ti panagrambak gapu iti nakaad-adu nga aberya ken nangina a gastos.

Taripnong para iti anibersaryo ti CPP, naisayangkat idia Rizal

ITI NAPALAU A pannakibinnulig ti masa, naangay ti New People's Army (NPA)-Rizal (Narciso Antazo Aramil Command) ti panagrambak iti maika-56 anibersaryo ti Communist Party of the Philippines iti prubinsiya. Dimmaray iti taripnong dagiti kameng ti Partido ken dagiti rebolusyonaryo a pwersa manipud iti sektor dagiti mannalon, babbai, kabataan-estudyante, mangmangged ken nakurapay iti syudad. Naangay daytoy iti katengnga ti nainget nga operasyon militar iti larangan gerilya.

Iti taripnong, naisayangkat ti pormal a panagadal iti pablaak ti Komite Sentral para iti anibersaryo nu sadinno a nasurok 50 katao manipud iti kaawayan ken kasyudadan ti dimmaray. Iti anag ti tignay panagilinteg, kritikal ken napakumbaba a natudo iti panagadal dagiti agraraira pay laeng a pagkapuyan a rumbeng a rimbawan agpada iti tignay masa ken armado a dangadang.

Nagiyaramid met kadagiti pangkultura a pabuya ti Nalabbaga a Bandera ti NPA-Rizal ken dagiti dimmaray a rebolusyonaryo a pwersa. Tampok met iti panagrambak ti panagpartuat kadagiti biswal nga arte dagiti mannakigubat ken dagiti rebolusyonaryo a pwersa manipud iti kasyudadan kanaig iti tema ti pablaak ti Partido ken panangiyabante ti tignay panagilinteg. Adu kadagiti dimmaray ket damo pay laeng a nakastrek iti yunit ti NPA.

Kalpasan ti amin, nagisayangkat ti yunit ti "kapehan" iti tema a "ti papel ti agtutubo iti tignay panagilinteg." Iti panagsisinnublat ti pablaak ken kankanta manipud kadagiti Nalabbaga a mannakigubat ken rebolusyonaryo a pwersa, naibingay ti kinapateg ti tignay panagilinteg ken nu kasano daytoy nga ipatpatungpal ti tunggal maysa.

Segun kadagiti bisita, nagbalin a pammaneknek ti aktibidad nga awan kaes-eskan ti ibagbaga ti reaksiyunaryo nga estado a kumapkapsuten ti rebolusyonaryo a tignay. Iti panaggibus ti programa, adu ti nagiyebkas ti panangayat nga agtalinaed tapno makipagbiag iti hukbo ti umili.

62.7%

wenno 31.06 milyon a Pilipino nga addaan empleyo ti umak-akem ti simple a trabaho ken umaw-awat ti kababaan a kadawyan a sweldo (P378-P583/aldaw) idi Nobyembre 2024.

Nagtaudan: EILER

9 pagilyan ti nagkaykaysa iti koalisyon a **The Hague Group** tapno pagsungbaten ti estado ti Israel kadagiti krimen daytoy iti gubat ken krimen laban iti sangkataw-an. Bukbuklen daytoy ti **South Africa, Belize, Cuba, Namibia, Bolivia, Honduras, Senegal, Colombia** ken **Malaysia**.



18

ti rinuk-atan ti Hamas kasukat ti nasurok 500 Palestino a balud pulitikal. Ti sinnukat dagiti balud ket paset iti katulagan iti *ceasefire* a nangrugi idi Enero 19



Maika-8

ti Davao City iti 500 syudad iti intero a lubong nga addaan kakarwan a trapik, bayat a maika-14 ti Manila. Kakarwan met idiyay Istanbul (Turkey), New York (US) ken Chicago (US).

Nagtaudan:
Tomtom Traffic
Index

50
OBISPO

ti nagiyeckas laban iti desisyon ti Korte Suprema a mangpalpalubos iti dadakkel a kumpanya nga agkalap iti *municipal waters*. **533 iti 884 a munisipalidad ti apektado iti desisyon.**

43%

kinissay iti badyet ti Mindanao State University ken dagiti kampus daytoy iti BARMM para iti 2025.

24,916

wenno kagudwa dagiti eskwelaan a pangpubliko ti awanan prinsipal gapu iti nabuntog a promosyon ti DepEd kadagiti kwalipikado a manursuro.

\$2 trilyon

inbussog ti kinabaknang dagiti bilyunaryo iti intero a lubong idi 2024, 3 a beses a naparpardas kumpara iti 2023. Daytoy a kinabaknang ket nagtaud saan nga iti produksyon nu di ket manipud iti tawid, kroniyismo ken monopolyo a bileg.



Panagaramat iti AI kontra mangmangged a Pilipino

Iti sango ti komun nga arungaing, intakder idi Enero 25 dagiti mangmangged iti BPO (business process outsourcing), telekomunikasyon, drayber a taga-deliber ken dadduma pay a trabaho a patpatarayan dagiti *digital platform* (wenno dagiti sistema nga online) ti Coalition of Digital Employees-Artificial Intelligence wenno CODE-AI. Nabuangay ti nasao a koalisyon tapno mangibagi kadagiti mangmangged ken empleyado iti sango ti lumawlaw a panagaramat dagiti gangannaet a kumpanya ti teknolohiya nga AI. Bukbuklen ti CODE-AI ti BIEN, Riders Watch, Gabay sa Unyon sa Telekomunikasyon Supervisors-PLDT (GUTS-PLDT), Digital Justice, Computer Professionals Union, May Day Multimedia, Ecumenical Institute for Labor Education and Research.

Segun iti maysa a panagadal, 36% wenno 8.5 milyon a trabaho iti Pilipinas ti apektado ti panagaramat ti AI. Tallo a milyon ditoy ket dagiti trabaho a klerikal, nasurok 2.5 milyon iti panaglako ken serbisyo, 500,000 trabaho a teknisyan ken kagiddan a propesyon, ken 700,000 trabaho a propesyunal. Dandani dua iti tunggal 10 trabaho kadagitoy a tay-ak ti naikeddeng a mapukaw gapu iti AI.

Iti pay laeng industriya ti BPO, 300,000 trabaho ti manamnama a mapukaw iti sumaruno a lima a tawen gapu iti AI. Iti agdma, adun a kumpanya iti industriya ti agar-aramat ti AI para iti rutina a trabaho a klerikal ken panagsungbat kadagiti saludsod dagiti kliyente. Nayon a presyur kadagiti empleyado a papardasen ti panagtrabaho usar ti AI uray awan ti kabatog a nayon a sweldo ken benepisyo.

Any a ti AI? Ti AI ket maipapan

iti teknolohiya iti kompyuter a mangmangted ditoy ti kabaelan a tuladen ti laing ti maysa a tao kas ti panangawat ti lenggwahe, panangbigbig kadagiti padron, panangrisut kadagiti parikut ken panagaramid kadagiti desisyon. Maysa kadagiti klase daytoy ti maaw-awagan a "generative" AI nga addaan kabaelan a mangparnuay ti teksto, imahe, musika ken bidyo manipud iti nalawa nga impormasyon ti publiko a nakadeposito iti internet.

Ipanpanakkel dagiti kumpanya a digital, kakoro ti reaksyunaryo nga estado ti Pilipinas, a mangpataud kadagiti baro a trabaho ti AI iti pagilyan. Nupay kasta, segun iti CODE-AI, saan a masubbot ti mapattapatta a 100,000 a mapartwat a baro a trabaho ti AI ti kinaadu ti trabaho a mapukaw gapu ditoy. Nayon ditoy, maibilbilang ti Pilipinas kas "digital sweatshop." Kayat na a sawen, ti klase ti trabaho nga adda kainaigan

na iti AI a maipasasa kadagiti Pilipino ket nakatutok iti maulit-ulit a trabaho, kas ti *data annotation* ken *content moderation* nga agpada a trabaho a "pangsanay" iti nadumaduma a tipo ti AI. Nababa ti paswel-do kadagitoy a trabaho (\$1 - \$3/oras), adayo nu ikumpara kadagiti mangmangged nga agar-aramid ti kapada a trabaho iti sabali a pagilyan (\$15/oras, nu idiay US). Awan seguridad iti trabaho dagiti mangmangged ditoy ken awan ti proteksyon da manipud iti abuso.

Tatta pay laeng, pinullo a ribo a mangmangged ken propesyunal iti Pilipinas ti agtrabtrabahan kadagiti gangannaet a kumpanya kas "freelancer" dagiti kumpanya a *digital*. Agkukumpetisyon da para iti sumagmamano a trabaho nga ididyaya dagitoy, kabilang kadagiti *social media platform* kas ti Meta (agtagikua ti Facebook ken Instagram) ken dagiti ahensya ti gangannaet nga estado kas ti US. Adu kadakuada ket dagiti baro a nagturpos nga awanan mastrekan a trabaho iti tay-ak ti nagadalan da.

Kontrolado ti teknolohiya nga AI ti sumagmamano a monopolyo a kumpanya a nakabase idiay US. Maysa kadagiti kadakkelan ti OpenAI a nangaramid ti GPT. Adda met ti kabukbukodan a teknolohiya nga AI ti tunggal *social media platform* kas ti Llama ti Meta Gemini ti Google ken Grok ti Twitter. Daytoy Pebrero, simmungad ti bukod a modelo nga AI ti maysa a kumpanya a Chinese a Deepseek.

Saan a mailibak a padpadur-asen ti teknolohiya nga AI ti proseso ti panagtrabaho, nangruna kadagiti trabaho a paulit-ulit, simple ken makapatuok. Nupay kasta, gapu ta tagikua ken kontrolado daytoy dagiti monopolyo kapitalista, saan a mailibak nga usaren daytoy laban kadagiti mangmangged, nangruna kadagiti atrasado a pagilyan kas ti Pilipinas, nga awanan sagsagraben a karbengan.

AB

Pananglipit iti sektor ti BPO, kinundenar

KINUNDENAR TI CODE-AI ti saan a nainkalinteg a panangsisante ken Renso Bajala, tagapagsarita ti BIEN, kalpasan a nangted isuna ti maysa nga interbyu iti maysa a peryodista kanaig iti kasasaad dagiti mangmangged kadagiti kumpanya ti BPO nga agar-aramat ti AI. Nasisante ni Bajala iti basaran ti "patakaran iti social media" ti kumpanya a Concentrix ken American Express. Salungasing ti terminasyon iti wayawayaya iti panagiyeckas ni Bajala ken kapada na a mangmangged.

"Adda ti karbengan mi iti nawaya a panagiyeckas ken asosasyon, ken krusyal ti pannakitipon mi kadagiti diskusyon ken panagaramid kadagiti patakaran iti panagaramat ti teknolohiya nga AI tapno mailaban (mi) ti karbengan dagiti mangmangged," segun ken Bajala.

Nakaro a panangrabngis iti karbengan, naimaldit idiy Masbate, Cagayan, Davao ken dadduma pay

Awan-sarday dagiti pananglabsing iti karbengan-tao dagiti pwersa ti Armed Forces of the Philippines (AFP) ken Philippine National Police (PNP) laban iti umili a Pilipino kadagiti napalabas a lawas.

Pammaltog. Idi Enero 19, napuntaan ken nasugatan iti likod na ti 61-anyos a dati a barangay kagawad ken mannalon a ni Marcial Detalo iti dursok a pammaltog dagiti soldado ti 2nd IB iti Sityo Balunos, Barangay Rizal, Dimasalang, Masbate. Tapno kaluban ti krimen ken panangipeggad kadagiti sibilyan, malisyoso nga inrakurak iti midya ti 2nd IB a napuntaan ti bala ti New People's Army (NPA)-Masbate ni Detalo iti tengnga ti par-pawarenda a maysa nga engkwentro iti lugar.

Panagaresto. Idi Enero 27, inaresto dagiti pwersa ti estado ti 70-anyos a ni Myrna Cruz-Abraham, beterano nga aktibista, idiy San Rafael, Bulacan. Nakemmeg ti biktima iti bileg ti mandamyento de aresto nga inparuk-at ti maysa a korte idiy Cagayan kanaig kadagiti kaso ti napaay a pampapatay ken pampapatay. Inyulat dagiti grupo iti karbengan-tao a nakaruk-at ni Cruz-Abraham kalpasan ti walo nga aldaw.

"Terrorism financing." Napilaan kadagiti pinarbo a kaso ti "panangpondo iti terorismo" ti lima nga aktibista manipud iti Cagayan Valley.

Nakasuan da Isabelo Adviento, lider mannalon; Cita Managuelod a tagasuporta dagiti mannalon; Agnes Mesina, koordineytor ti Makabayan Cagayan Valley; Jackie Valencia, salaknib ti karbengan-tao; ken ni Deo Montesclaros, maysa a peryodista. Amin da ket nabayagen a mangitan-tandudo iti karbengan ken pagimbagan ti umili ti Cagayan Valley ken ti umili a Pilipino.

Demolisyon. Iti katengnga ti panaginana dagiti residente, tuso a rimmaut idi Enero 29, alas-2 ti parbangon, ti 200 maton ken tauhan ti managkamkam ti daga a ni Caroline Piñeda idiy Dalat/Purok 47, San Roque, Bangkal, Davao City tapno iyaramid ti demolisyon. Dinuprak ken sinamsam dagiti maton ti 20 a balay iti nasao a komunidad. Ti insidente ket paset ti serye ti demolisyon manipud pay Disyembre 2024.

Idiy Laguna, binabalaw dagiti residente ti panagsangpet idi Enero 31 ti 8 - 10 katao a demolisyon tim iti Barangay Nueva, San Pedro, Laguna, tapno ipatungpal ti pangta a demolisyon iti igid ti riles. Idi Enero 7, nangted ti pakdaar ti Department of Transportation kadagiti lokal nga isuda ket mapatalaw iti didiay nga aldaw iti laksid ti kinaawan ti "court order" para iti demolisyon.

Pwersaan a panagpasuko. Naimaldit ti baro a serye ti militarisasyon ken pwersaan a "panagparehistro" ti Philippine Army kadagiti mangngalap a kameng ti Timek La Union iti Barangay San Manuel Norte, Agoo, La Union idi Enero 20. Naiyulat ti panagrikrikus ti nakasibilyan a pito a tauhan ti Philippine Army iti nadakamat a barangay iti panangiyuna ti maysa a "Captain Fernandez." Awit dagiti soldado ti maysa a listaan nga aglalaon ti 30 a nagan dagiti agdama ken dati a kameng ti TIMEK La Union ken sapsapulen (dagiti soldado) isuda tapno "iparehistro" ti timpuyog da.

Idiy Masbate, nagitambak dagiti soldado ti AFP kadagiti agkakaabay a barangay ti Baang, Sawmill, Barag ken Mapuyo iti ili ti Mobo, Masbate idi Enero 27 tapno kamaten ken "pasukuen" ti sibilyan nga agnagan ti Sony Diamos.

AB

Dagiti protesta tapno pagsungbaten dagiti Duterte ken singiren ni Marcos, naisayangkat

NAGTITIPON TI NADUMADUMA a demokratiko a grupo idiy Liwasang Bonifacio, Manila idi Enero 31 tapno angayen ti protesta laban iti "3K" wenno ti Kilos Bayan laban sa kahirapan, korapsyon at kawalang pananagutan. Dimmar-ay iti tignay dagiti estudyante, manursuro, mangmangged, propesyunal, dagiti tao ti simbahan, administrador ti unibersidad ken progresibo a partido. Inyuna daytoy ti Taumbayan Ayaw sa Magnanakaw at Abusado Network Alliance (TAMA NA).

Kapada met a tignay ti naisayangkat idiy Naga City, Cebu City, Iloilo City ken Bacolod City iti panangiyuna ti TAMA NA ken dagiti bala-ngay ti Bagong Alyansang Makabayan. Didiay met laeng nga aldaw, dua pay a protesta ti insayangkat ti dadduma a grupo, agpada iti sango ti People Power Monument iti EDSA.

Sakbay daytoy, naisayangkat ti panaggangat ti kandila ken ababa a protesta idi Enero 30. Idi Enero 27, nagprotesta dagiti konseho ti estudyante, pagiwarnak a pangkampus ken grupo ti agtutubo iti Liwasang Bonifacio iti panangiyuna ti Leaders and Advocates of the Youth for the Accountability of Sara Duterte (LAYAS Duterte) Network a nabuangay idi Enero 23.

Idi Enero 26, nagmartsa dagiti manursuro iti salinong ti Alliance of Concerned Teachers idiy Baguio City para iti sweldo, badyet iti edukasyon ken sungsubatan iti kinarigat, korapsyon ken panaglablabes ti gubyrno. Idurduron da ti *impeachment* ken Duterte a kunada ket palpak iti panagserbi kas dati a kalihim ti Department of Education.

Idi Enero 24, inyuna ti Kilusang Mayo Uno ti protesta nga "UWIAN Na" para iti sweldo ken laban iti panagtakaw idiy Quezon City. Ti panawagan nga UWIAN Na ket nagtaud iti "Unite for Wage Increase at Against Nakaw sa Gobyerno."